








Ա. ԳԱՅԴԱՐ

ՉՈՐՐՈՐԴ ԾԵՐՏԱՓԱԿԸ

ՊԵՏՅՐԱՅ
ՅԵՐԵՎԱՆ 1937

Կ/394



H 3-315a

Ա. ԳԱՅԴԱՐ

✓

ԶՈՐՐՈՐԴ ՇԵՐՏԱՓԱԿԸ

Նկարները՝ Պ. ԱԼՅԱԿԻՆՍԿՈՒ

Ռուս. Քարգամ. Հ. Հայրապետյան

4594

A II
35680



ՀԼԿՅԵՄ ԿԿ ԿԻՑ ՄԱՆԿԱ-ՊԱՏԱՆԵԿԱԿԱՆ ԲԱԺԻՆ



Կողման յոթ տարեկան եր, Նյուրկան՝ ութ, իսկ Վասկան՝ դեռ վեց:

Կողման ու Վասկան հարեաններ եյին: Այն ամառանոցները, ուր նրանք ապրում եյին, կողք-կողքի եյին: Նրանց բաժանում եր ցանկապատը, իսկ ցանկապատի մեջ մի անցք կար: Այդ անցքով յերեխաներն իրար մոտ հյուր եյին գնում:

Նյուրկան ապրում եր դիմացի շենքում: Սկզբում տղաները Նյուրկայի հետ չեյին մտերմանում: Նախ՝ այն պատճառով, վոր նա աղջիկ եր և յերկրորդ, վորովհետև Նյուրկայենց բախում մի շան բունկար, մեջը մի չար շուն և յերրորդ, վորովհետև նրանք յերկուսով ել ժամանակն ուրախ եյին անցկացնում:

Բայց հետո մտերմացան, ահա թե ինչպես:

Մի անգամ Մոսկվայից Վասկայի մոտ յեկավ նրա մտերիմ ընկեր Իսայկա Գոլդինը:

Իսայկան Վասկային հասակակից եր և նման եր նրան: Միայն քիչ հաստ եր, մազերն ել Վասկայի մազերից ավելի սև եյին, մեկ ել Իսայկան մի հրացան ուներ, վոր կրակում եր խցանով, իսկ Վասկան՝ չուներ:

Իսայկան յեկավ հանգստի ոյրն իր հոր հետ: Յեվ յերեխաները մտածեցին գնդաթի խաղալ: Իսկ գնդաթին, հայտնի բան ե, յերկու հոգով չեն խաղում, այլ անպատճառ չորս հոգով:

Գնացին Պավլիկ Փոմինի հետևից: Բայց Պավլիկի փորը ցավում եր: Ձթողեցին, վոր գնդաթի խաղա, նա տանը տխուր նստած եր, վորովհետև քիչ առաջ լուծողական եր խմել:

Ի՞նչ անեյին: Չորրորդին վո՞րտեղից գտնեյին:

Յեվ ահա Վասկան ասաց Կոլկային.

— Ի՞նչ կլինի, արի Նյուրկային կանչենք.

— Կանչենք, — համաձայնեց Կոլկան: — Նրա վոտներն այնքան յերկար են վո՛ր, նա այժից վառ չի վազում:

Իսայկան ել համաձայնեց:

— Միայն թե, — ասաց Իսայկան, — թեև իմ վոտները կարճ են, բայց յես ել եմ լավ վազում, վորովհետև Նյուրկան առանց ցատկոտելու յե վազում, իսկ յես՝ ցատկոտելով:

Նուրկային կանչեցին:

— Արի, Նյուրկա, մեզ հետ գնդաթի խաղա:

Նյուրկան սկզբում շատ զարմացավ, բայց հետո տեսավ, վոր յերեսաները լրջորեն են կանչում:

— Յես կգայի, բայց առաջ պետք է վարունգը ջրեմ, թե չե արեգակը դուրս կգա, չիթիլները կթառամեն:

Յերեսաները տեսան, վոր վարունգ. ջրելը յերկար կտեվի: Այն ժամանակ Իսայկան ասաց.

— Յեկեք մենք ել ջրենք: Վոմանք ջուր կկրեն, վոմանք կջրեն և այն ժամանակ շուտ կպրծնենք: Թե չե նա մենակ մինչև կեսոր հազիվ կպրծնի:

Այդպես ել արին: Տասն անգամ գնդաթի խաղացին: Վագեցին գետը լողանալու: Հետո Իսայկան իբհոր հետ քաղաք գնաց:

Յեվ ահա, այդ որվանից Վասկան ու Կոլկան Նյուրկայի հետ ընկերացան:

Նրանք ապրում եյին Մոսկովային մոտիկ մի փոքրիկ գյուղի ծայրում: Այդտեղից սկսվում եր դաշտը, վորտեղ մանր թփեր եյին աճում: Իսկ ավելի հեռու, բլրի վրա, յերևում եյին մի ջրաղաց, մի յեկեղեցի և մի քանի տուն՝ կարմիր տանիքներով — կայարան եր, թե գյուղ — հեռվից ջուկել չեր լինում: Մի անգամ Վասկան հորը հարցրեց, թե ինչպես է կոչվում այդ գյուղը:

— Այդ իսկական գյուղ չե, — պատասխանեց հայրը, — այդ բոլորը գիտմամբ է շինված:

— Ինչպե՞ս թե իսկական չե,— զարմացավ Վասկան: Ինչպե՞ս թե իսկական չե, յերբ և՛ ջրաղաց կա, և՛ յեկեղեցի, և՛ տուն: Բոլորը յերևում են:

— Այնպե՛ս, իսկական չե,— ծիծաղեց Հայրը: Այստեղից թվում ե, թե և՛ ջրաղաց կա, և՛ տուն... Իսկ յեթե մոտենաս, բան չկա:

Վասկան զարմացավ, բայց չհավատաց: Յեվ վորոչեց, թե Հայրիկը ծաղրեց իրեն, կամ հենց այնպես ասաց, վոր իրենից ձեռք քաշեմ:

Յանկապատի անցքով նա դնաց Կոլկայի մոտ: Տեսավ, վոր Կոլկան ու Նյուրկան ցանկապատի վրա նստած, դաշտում ինչ վոր հետաքրքիր բանի յեն նայում: Վասկան նեղացավ:

— Եդ ի՞նչ ե, դուք հետաքրքիր բանի յեք նայում, իսկ ինձ չե՞ք կանչել:

Կոլկան պատասխանեց.

— Յես վաղուց եյի ուզում վազել քո յետևից: Ծուռ բարձրացիր ցանկապատի վրա: Նայիր, թե ինչպիսի կարմիր բանակայիններ են յեկել, թնդանոթներով:

Վասկան բարձրացավ և տեսավ, վոր հենց իրենց կողքին, թփերի մեջ ձիեր են կանգնած, յերկու անիվանի սայլակներ և թնդանոթներ:

— Լա՛վ, լա՛վ,— ասաց Վասկան:— Հետո ի՞նչ ե լինելու վոր:

— Ա՛յ, կտեսնենք,— պատասխանեց Նյուրկան:— Մենք այժտեղ վաղուց ենք նստել և սպասում ենք.

— Լա՛վ,— հիշեցրեց նրան Վասկան:— Ուրիշ անգամ յես ել ձեզանից շուտ կգամ կնստեմ և ձեզ վորինչ չեմ ասի:

Բայց և այնպես այս անգամ նրանք չկովեցին, վորովհետև թփերում ինչ վոր ուշագրավ բան եր սկսվում:

Ամեն մի թնդանոթի մոտ վեց ձի կար—յուրաքանչյուր թնդանոթին յերեք զույգ: Հանկարծ ձիերին թնդանոթներից շարձակեցին: Կարմիր բանակայինները թնդանոթների մոտ վազվզեցին, մի ինչ վոր բան

պատեցին, շուռ տվին, հետո դեպի յետ վազեցին: Թնդանոթի կողքին միայն մեկը մնաց: Այդ մեկի ձեռքին կար մի յերկար թել, վորը կապված էր թնդանոթից:

— Կուկա, դու չգիտե՞ս, թե ինչո՞ւ յե թելը բռնեի, — հարցրեց Վասկան ավելի հարմար նստելով:

— Չգիտե՛մ, — խոստովանեց Կուկան, բայց, յեթե բռնեի ե, ուրեմն այդպես ել հարկավոր ե:

— Անպատճառ այդպես ել հարկավոր ե, — հաստատեց Նյուրկան:

— Իսկ յեթե չբռներ, այն ժամանակ ի՞նչ կլիներ, — շարունակեց Կուկան:

Իսկապես, — համաձայնեց Վասկան, — յեթե չբռներ, այն ժամանակ ի՞նչ կլիներ...

Բայց այդ բոլորներն կարմիր բանակայինների հրամանատարը, վոր կանգնած էր հեռախոսի խոսափողի յետևը, բարձր ձայնով ինչ—վոր բան գոռաց:

Մյուս հրամանատարը, վոր թնդանոթին ավելի մոտիկ էր կանգնած, նույնպես մի բան գոռաց, ձեռքը թափ տվեց: Այն ժամանակ կարմիր բանակայինը թելը քաշեց:

Առաջ մի մեծ կրակ փայլատակեց, հետո այնպես վորոտաց, վոր կարծես կայծակը խփեց ուղիղ վառարանի խողովակի գլխին:

Յերեխաները ցանկապատից ցած թռան խոտի վրա:

— Ամա գրմիաց հա՛, — ասաց Վասկան բարձրանալով:

— Ծա՛տ զոռ գրմիաց, — համաձայնեց գունատված Նյուրկան:

Այ, յերբ այդ թելը քաշում են, այն ժամանակ ել գոռում ե, — բացատրեց Կուկան: — Իսկ դուք ասում եք թելն ինչի՛ համար ե, ինչի՛ համար ե: Յես հիմա միանգամից գլխի ընկա, թե ինչի համար ե... Բայց ասա, Վասկա, ինչո՞ւ դու ցանկապատից վայր ցատկեցիր և ինձ ու Նյուրկային ել հրեցիր:



Հենց իրենց կողքին, թփերի մեջ, ձիեր են կանգնած,
յերկու անիվանի սայլեր ու թնդանոթներ:

— Յես չցատկեցի, — նեղացավ Վասկան, — առաջ Նյուրկան ցատկեց, ցանկապատը ցնցեց, յես ել ընկա:

— Յես առաջ չցատկեցի, — հրաժարվեց Նյուրկան:

— Յեթե յես ամենից առաջ ցատկեցի, հապա ինչպե՞ս ընկա Կոլկայի մեջքի վրա: Նա ինքն է առաջ ցատկել:

— Ա՛յ քեզ բան, — բարկացավ Կոլկան: — Դու ուղղակի վախեցար, թե յեղինջի մեջ կընկնես և դիտմամբ այնպես արեցիր, վոր մեջքիս ընկնես: Իսկ, ա՛յ, յես չվախեցա և վողջ ձեռքս յեղինջը ծակծկոտեց, այրեց:

Յեվ դառնալով դեպի Վասկան, ավելացրեց.

— Նրանք բոլորն ել — աղջկերքը յեղինջից վախենում են:

Այդ որվանից կարմիր բանակայինները հաճախ եյին գալիս իրենց թնդանոթներով: Միայն չորեքշաբթի և յերկուշաբթի որերը հրաձգություն չեք լինում, թե չե մյուս որերը լինում եր:

Հենց վոր հրետանավորները գալիս եյին, յերեխաները վազում եյին թիփերի մոտ: Նստում եյին բլրակի վրա, բոլորովին մոտիկ և նայում: Բլրակից ամեն ինչ տեսնում եյին ու լսում:

Հեռախոսիչը լսում եր լսափողով և հետո ստում հրամանատարին:

— Նշանոց 6-5, փող 7-2:

Այն ժամանակ հրամանատարը գոչում եր.

— Յերկրորդ հրանո՛թ: Նշանոց 6-5, փող 7-2:

Յեվ կարմիր բանակայիններն իսկույն վազում եյին յերկրորդ թնդանոթի մոտ: Ինչ վոր մի անիվ եյին պտտեցնում և թնդանոթի փողը մի քիչ բարձրանում եր: Մի ուրիշ անիվ եյին պտտեցնում, թնդանոթի փողը մի կողմ եր քաշվում: Յեվ յերբ հրետանավորը նշան եր առնում, հրամանատարը ձեռքը թափ եր տալիս և նշանառու — կարմիր բանակայինը թելը քաշում եր: Յեվ ահա՛ դրմփոց — դրմփոց:

Թե ինչպես է թռչում արկը, յերեխաները չեյին տեսնում: Իսկ յերբ տեղ եր հասնում և պայթում, այն

ժամանակ տեսնում եյին, վորովհետև դիպած տեղում
փոշու ամպ և սև ծուխ եր բարձրանում:

Յեվ բոլոր արկերը պայթում եյին յերբեմն յեկե-
ղեցու մոտ, յերբեմն ջրադացի, յերբեմն ել տնակների
մոտ, վորոնք յերևում եյին հեռու բլրակի վրա:

— Մարասիելի կլինի այն գյուղում ապրելը, — մի
անգամ ասաց Նյուրկան: — Յես վոչ մի կերպ այնտեղ
չեյի ապրի: Իսկ դո՞ւ, Վասկա:

— Յես ել չեյի ապրի, — պատասխանեց Վասկան:
— Իսկ ինչո՞ւ հայրիկս ասաց, վոր այնտեղ վոչ մի
դյուղ չկա, և միայն այստեղից թվում ե թե կա:

— Գյուղ կա, — վորոչեց Կոլկան, — միայն թե հրա-
ձգությունից առաջ բոլորը հեռանում են այնտեղից:

— Իսկ ձիե՞րը:

— Ձիերին ել են տանում:

— Կովերն ե՞լ, — հարցրեց Վասկան:

— Կովերն ել, խոյերն ել, վոչխարներն ել:

— Հաւերն ել ե՞ն տանում, — հետաքրքրվեց
Նյուրկան: — Բաղերն ե՞լ: Բոլորի՞ն:

— Պետք ե վոր բոլորին, — պատասխանեց Կոլկան
ու լռեց, վորովհետև իր համար ել այդ բանը տարորի-
նակ եր:

Այդ բոպեյին հրաձգությունը վերջացավ, կարմիր
բանակայինների համար բերին անիվների վրա դրված
կաթսա — խոհանոցը: Խոհարարն սկսեց նրանց աման-
ներն ինչ վոր բան լցնել — արգանակ, թե բորչչ, և
կարմիր բանակայինները նստում եյին այնտեղ, խո-
տերի վրա և ուտում:

Այդ ժամանակ Վասկան ասաց.

— Վաղենք տուն, յես ել ուտել եմ ուզում:

Բայց Կոլկան նրան պահեց.

— Քիչ սպասիր. հրամանատարն այստեղ ե գալիս:

Հրամանատարը ձիու վրա նստած մոտ յեկավ:

Յեվ հենց բլրակի մոտ կանգնեց. Ծխել եր ուզում:
Ծխախոտը հանեց, լուցիկ հանեց, սկսեց վառել, բայց
չնաճանճը խայթեց ձիուն, թե հենց ինքն եր խաղ ա-
նում, միայն թե ձին իրեն թափահարեց և փնչացրեց:

Հրամանատարը սանձը բռնեց:

— Կանգնի՛ր, — ասում է, — չարածճի, ի՞նչ ես պտույտ-պտույտ գալիս: — Իսկ լուցկիին ձեռքից ընկավ — Յերեխանն՛ր, — խնդրեց հրամանատարը, — լուցկիին տվեք:

Վասկան ամենից մոտ եր: Տուփը վերցրեց, բայ: սայթաքեց ու վայր ընկավ: Կոլկան նեղացավ, վոր Վասկան է ուզում տալ: Վազեց ու նրա ձեռքից տուփը չանթեց: Վասկան գոռաց և բռունցքով խփեց նրա գլխին: Այստեղ կռիվն սկսվեց: Իսկ Նյուրկան այդ ժամանակ կամաց մոտեցավ, լուցկիները հավաքեց ու տվեց հրամանատարին: Ա՛յ քեզ սուսիկ—փուսիկ աղջիկ:

Հրամանատարը յերեխանների վրա ծիծաղեց, ասաց «չնորհակալություն» ու սլացավ:

Այդ ժամանակ Վասկան ու Կոլկան կռիվը դադարեցրին և ուզեցին Նյուրկային զիսկել, վոր լուցկիին նա տվեց հրամանատարին:

Բայց Նյուրկան վախեցավ ու փախավ: Են յերկար վրտնանուն կարո՞ղ ես հաննել:

Յե՛վ այսպես յերեխաները կռվեցին:


Մյուս որը ցանկազատի անցքով վոչ Վասկան գընաց Կոլկայի մոտ, վոչ էլ Կոլկան Վասկայի մոտ: Նյուրկան էլ իրենց բակում զբաղված էր:

Վասկան իրենց բակում ման յեկավ, ման յեկավ, տեսավ ձանձրալի յե: Մի փայտ գտավ, ձի արավ, նստեց վրան և բակի շուրջը յերեք անգամ պտտվեց, տեսավ միևնույն է, ձանձրալի յե: Անցքից մտիկարավ, տեսավ, վոր Կոլկան նետ-աղեղը ձեռքին պտտվում է: Գլխարկին էլ փետուր է անց կացրել, իբրև թե հընդիկ է: Վասկան նեղացավ: Գլուխն անցքից հանեց ու գոռաց:

— Կոլկա՛, տո՛ւր փետուրը: Քոնը չե, մերն է: Դու մեր աքլորի պոչիցն ես հանել:

Կոլկան մարգից մի գունդ հող վերցրեց, խփեց Վասկայի փորին: Թեև չցավեց, բայց այնուամենայնիվ լաց յեղավ:

Վասկայի մայրիկը դուրս յեկավ պատշգամբը և



իսկ Նյուրկան լուցկիները հավաքեց և տվեց հրամա-
նատարին :

սկսեց Կողկային հայհոյել: Միաժամանակ Վասկայի վրա ել նեղացավ: Յերկրորդ որը յերեխաներն իրար թշնամի եյին: Յերրորդ որը նույնպես:

Հենց այս ժամանակ սունկ հավաքելու որերը հասան: Հարևան փողոցի յերեխաներն առավոտից հավաքվում եյին ու գնում Բարկովյան անտառը, կամ Հանդարտ ձորակը: Մեկ ել տեսար ճաշին սունկ են բերում — մինը մի կողով, մինը մի զամբյուղ: Այն ել ի՞նչ սունկ... — բոլորն ել սպիտակ: Շաքար են, վոչ թե սունկ:

Իսկ Վասկան մենակ չեր գնում, ձանձրալի կլիներ: Կողկան ել չեր գնում: Իսկ Նյուրկան՝ ավելի ևս. մենակ ձանձրալի յեր:

Մի անգամ Վասկան իրենց բախում գնացք եր խաղում: Նրա շոգեշարժն իսկական շոգեշարժ չեր, այլ արկղներից եր շինված, բայց այնուամենայնիվ հետաքրքրական եր: Ինքնայեռի մի հին խողովակ եր հարմարեցրել ու փչում եր. դու-դո՛ւ-ու-ո՛ւ: Իսկ ինքր տատանվում եր: Արկղները թեև առաջ եյին գնում, բայց զիպչում եյին իրար. տա՛կ-տո՛ւկ, տա՛կ-տո՛ւկ: Ուղղակի վազոնների պես:

Հանկարծ Վասկան լսեց, վոր կողքին մի բան ընկավ: Տեսավ՝ նետ ե: Հետո տեսավ, վոր Կողկան գլուխն անցքից հանել ե: Ափսոսում եր Կողկան, վոր պատահաբար նետը Վասկայենց բախն ընկավ և վախենում եր, վոր գնա բերի:

Վասկան նայեց ու ասաց.

— Կողկա՛, ուզո՞ւմ ես նետդ տամ:

Շոգեքարշից ցած իջավ, նետը վերցրեց ու սվեց Կողկային:

Կողկան նետը վերցրեց և վոչինչ չասելով, գնաց:

Ման յեկավ, ման յեկավ, կրկին գլուխն անցքից հանեց ու գոչեց.

— Կողկա, յես կոնդուկտորի սուլիչի նման սուլիչ ունեմ, ուզում ես, տամ՝ փչիբ, բայց ելի հետ կտաս:

Կողկան սուլիչը բերավ ու մնաց Վասկայենց բախում: Սաղալուց հետո պայմանավորվեցին, վոր առավոտյան գնան սունկ հավաքելու:

Կոլիան մոտեցավ ցանկապատին և գոչեց.

— Նյուրկա, վաղը կգա՞ս գնանք սունկ հավաքելու:

Իսկ Նյուրկան վախեցավ:

— Դուք, — ասաց, — ելի կկովեք:

— Բա՞ն ասացիր... կովել: Մենք սրիկանե՞ր ենք, ի՞նչ ե: Միայն սրիկաներն են ամեն որ կովում: Իսկ մենք միթե՞ ամեն որ կովում ենք:

Այդպես ել հաշտվեցին:

Վասիան անգրագետ եր: — Դեռ պատիկ եր: Իսկ Կոլիան մի քիչ կարդալ-գրել գիտեր: Յերեկոյան, քընելուց առաջ, մոտեցավ որացույցին, թերթիկը պոկեց և կարդաց. «Յերեքշաբթի»: Նայեց հետևյալ թերթիկին և կարդաց. «Չորեքշաբթի»:

«Եզուց արդեն չորեքշաբթի յե», մտածեց Կոլիան և իրեն գովեց: «Առավոտյան պիտի սունկ հավաքել գնանք, պետք և շուտ պառկել: Ժամի 6-ին պետք վեր կենալ:

Կոլիայի քնելուց հետո հայրիկը վերադարձավ ի վոր ժողովից: Նա նայեց որացույցին և հարցրեց.

— Միթե՞ վաղը չորեքշաբթի յե:

— Վո՛չ, — պատասխանեց մայրիկը, — վաղը յերեքշաբթի յե: Կոլիան սխալմամբ ավելորդ թերթիկ է պոկել և ստացվել է, վոր վաղը չորեքշաբթի յե:

Յերեի, Կոլիան և Վասիան քնով կանցնելին, յեթե Նյուրկան նրանց չարթնացներ:

Արեգակը դեռ նոր եր դուրս յեկել, խոտը թաց եր և սկզբում բոբիկ վոտները մրսում եյին:

Ուղղվեցին դեպի անտառակը:

Բայց այնտեղ սունկ քիչ կար և յերեխաները վորոչեցին ծովել դեպի Հանդարտ ձորակը, վորտեղ թրփերն ավելի խիտ եյին և տեղը՝ չոր:

Նյուրկայի և Կոլիայի կողովներում արդեն մի քանի սունկ կար, իսկ Վասիայի կողովում դեռ վոչ մի հատ չկար:

— Նյուրկա, դու իմ կողքից մի գնա, — խնդրեց նա, — թե չե ինձանից առաջ ես սունկը պոկում: Մի

քիչ հեռու գնա, առանձին տեղ պոկոտիր:

— Իսկ դու ուշադիր յեղիր, — պատասխանեց Նյուրկան, մտավ թփերի մեջ և այնտեղից մի մեծ սունկ պոկեց: — Նայիր, թե ինչպիսի սունկ չկարողացար տեսնել:

— Յես հենց ուզեցի թփի յետևը նայել, իսկ դու այնտեղից դուրս թուար, — պատասխանեց Կոլկան:

Սակայն շուտով, յերբ հասան Հանդարտ ձորակները, այնքան սունկ կար, վոր մինչև անգամ Վասկան ել շատ սունկ հավաքեց:

Այդպես նրանք յերկար ժամանակ թափառեցին թփերի մեջ, արդեն արեգակը բարձրացավ, բացատներում ցողը գոլորշիացավ, յերբ դուրս յեկան անտառի ծայրը:

— Մի տեսեք, մի տեսեք, յերեսաներ, թե վորտեղ հասանք, — ասաց Կոլկան:

Բարձր թփուտը վերջացավ: Այնուհետև, վորքան աչքը կտրում էր, նրանց առաջ տարածված էր բլրոտ, մացառներով ծածկված դաշտը: Յեվ այդ դաշտով վոչ մի ճանապարհ չէր անցնում, ամեն տեղ թփեր էր ու խոտ: Այնտեղ ցցված էյին մի քանի բարձր փայտե աշտարակներ, վորոնց վերևի մասում դատարկ հրապարակներ կային: Իսկ աջ կողմում, մի կիլոմետրից վոչ հեռու, յերեսաները տեսան այն գյուղը, ջրաղացն ու յեկեղեցին, վորոնք յերևում էյին իրենց գյուղի ծայրից:

— Գնանք նայենք, — առաջարկեց Կոլկան: — Կրտեսենք միայն, իսկ հետո կիջնենք սարի տակը, ուղիղ կգնանք և տուն կհասնենք:

— Իսկ յեթե հանկարծ կրակել սկսե՞ն:

— Իսկ յեթե կարմիր բանակայինները դա՞ն, — համարյա միաձայն հարցրին Վասկան ու Նյուրկան:

— Այսոր չեն գա: Այսոր չորեքշաբթի յե, — հանգըստացրեց նրանց Կոլկան: Տեսնենք, գնանք տուն:

Նրանք պետք է անցնեյին խորդուբորդ դաշտով: Յեվ վորքան մոտենում էյին, այնքան ավելի հաճախ էյին հանդիպում թարմ, դեռևս խոտով չծածկված

Քմբերի, նեղ ու խոր առունների և կլոր, անձրևաջրով
լիքը փոսերի:

Թվում եր, թե մի ահագին խլուրդ հենց նոր փոր-
փրել է այդ դատարկ ու հանդարտ դաշտը:

— Այս արկերն են արել — արկերից է, — գլխի
ընկավ Կոլկան: — Արկն ընկնում է գետնի վրա, պայ-
թում է և ահա քեզ փոս: Իսկ սրանք խրամատներ են:
Կոլի ժամանակ զինվորներն այստեղ են թագնվում:

— Շատ կեղտոտ է, Կոլկա, — տարակուսանքով նա-
յելով թաց, ցեխոտ առվին, ասաց Նյուրկան: — Այս-
տեղ վոր թագնվես, ամբողջովին կտեղավորվես:

Այդ ժամանակ Վասկան, վոր գտնվում էր մի
փոքրիկ, սևացած, կարծես խանձված տերևներով
թիփ մոտ, դռչեց.

— Ահա, յես գտա, վո՛նց գտա:

Յեվ նա մի ինչ վոր բան բռնած, վազեց նրանց
մոտ:

Սկզբում յերեխաները կարծեցին, թե նա սունկ է
բերում, իսկ յերբ մոտեցավ, նրանք տեսան, վոր այդ
սունկ չէ, այլ անհավասար սուր ծայրերով մետաղի
մի հաստ կտոր:

— Սա արկի կտոր է, — կրկին գլխի ընկավ Կոլ-
կան:

— Տուր ինձ, Վասկա: Դրա փոխարեն յես քեզ
յերեք սունկ կտամ... Ապա մի ձեռք տուր, Նյուրկա,
տես ի՞նչ ծանր է:

Սակայն Նյուրկան շտապով ձեռքը յես քաշեց և
անցավ Վասկայի յետևը:

— Յա՛՛՛՛՛՛ դիր, Կոլենկա, — յերկչոտությամբ
խնդրեց նա: — Թե չե հանկարծ կպայթի:

— Հիմար, — հանգստացրեց նրան Կոլկան: — Ար-
դեն պայթել է: Առանց վառողի ինչպե՞ս կպայթի:
Տուր ինձ, Վասկա, — կրկին խնդրեց նա, — յես քեզ
յերեք սունկ կտամ: Հենց վոր տուն հասնենք, մի հատ
եւ մեխով նետ կտամ:

— Սունկն ի՞նչ է վոր, — պատասխանեց Վասկան,

արկի կտորը խնամքով կողովի մեջ դնելով: — Մուտկը կուտես ու պրծավ—գնաց: Չե՛, ավելի լավ է քեզ չբտամ, կոչկա: Թող ինձ մնա...

Նա լռեց, ապա ավելացրեց.

— Իսկ դու շուտ—շուտ կգաս, կնայես: Հենց վոր խնդրես, կտամ, վոր նայես: Ի՞նչ է, ափսոսալու հոչե՞մ: Վորքան կուզես՝ նայիր:

Նրանք մտտենում էյին գյուղին: Վո՛չ գյուղացիներ էյին յերևում, վո՛չ յերեխաներ: Խոզերը չէյին խոխոացնում, կովերը չէյին բառաչում, շները չէյին հաջում, կարծես ամեն ինչ բնաջինջ եր յեղել:

— Յես սասցի, վոր բոլորն այստեղից հեռացել են, — ասաց կոչկան կամաց ձայնով: — Միթե՞ կարելի յայստեղ ապրել: տես ինչպիսի արկի փոսեր կան:

Մի քանի քայլ ել գնացին, կանգ առան և աչքերը չռեցին: Միայն այժմ ուշադրությամբ նայեցին ու տեսան, վոր վո՛չ մի գյուղ չկա: Ջրաղացն ել, յեկեղեցին ել, տնակներն ել շինված էյին բարակ, ներկված տախտակներից, առանց պատերի ու տանիքների:

Կարծես թե մեկն ահագին մկրատով հիանալի նրկարներ ե կտրտել և կանաչ դաշտի մեջ կպցրել հենաբաններին:

— Ա՛յ քեզ գյուղ: Ա՛յ քեզ ջրաղաց, — գոչեց վասկան: — Իսկ մենք մտածում...

Յերեխաները ծիծաղելով մտան խաղալիք—գյուղը: Չորս կողմը բարձր խոտ եր աճել: Խաղաղ եր: Իշամեղունները տղտղում էյին, փայլուն թիթեռները՝ թռչկոտում:

Սեբերեխաները վազվզում էյին ներկված տնակների շուրջը, ամեն կողմից նայելով նրանց: Հենց այստեղ, մոտիկում, սյուններ էյին տնկված, վորոնց ծանր, հաստ տախտակներ էյին մեխված, տեղ—տեղ այդ տախտակներն արկերից կտրտված ու ճեղքված էյին: Մրանք նշաններ էյին, վորոնց կրակում էյին հրետանավորները: Խարուսիկ գյուղի առջև յերկու շարքով ձգվում էյին խրամատներ, վորոնք շրջապատված էյին ժանգոտված փշալարով:

Շուտով յերեխաները հասան մի ինչ վոր նկուղի: Նկուղի դուռը կիսաբաց եր: Նրանք վախվխելով քարե աստիճաններով ցած իջան և հայտնվեցին մի խոր, քարե մառանում: Մառանում մի նստարան կար: Պատի վրա դարակ կար, դարակի վրա ցցված եր մի փոքրիկ մոմի կտոր:

— Մոմը վառենք, — առաջարկեց Կոլկան: — Յես լուցկի ունեմ: Վերցրել եմ, վոր խարույկ վառենք:

Նա լուցկին հանեց, բայց այդ ժամանակ վերևից ձիերի դոփյուն լսեցին:

— Ավելի լավ ե վազենք տուն, — կամաց ձայնով առաջարկեց Նյուրկան:

— Իսկույն կվազենք: Վերևում մարդ կա, հենց վոր դնա, կվազենք: Թե չե կհայհոյեն, կասեն. «Ինչո՞ւ յեք այստեղ մտե՞ք»:

Դոփյունը վերջացավ: Յերեխաները դուրս յեկան մառանից և տեսան, թե ինչպես յերկու հեծելակ սյանալով հեռանում են:

— Աշտարակին նայիր, — ցույց տվեց Վասկան, — ա՛յ այն աշտարակին: Մարդ ե բարձրացել այնտեղ:

Նայեցին, տեսան, վոր ճիշտ ե. աշտարակի դուրսին մարդ ե նստել և այստեղից փոքրիկ-փոքրիկ ծտի չափ ե թվում:

Արդեն ուզում եյին վազել տուն, բայց Վասկան նվնվաց, թե իր արկի կտորը թողել ե մառանում:


Կրկին մտան: Մոմը վառեցին: Այժմ, աղոտ լույսով, կարելի յեր տեսնել մոխրագույն հաստ ցեմենտե պատերը և ամուր յերկաթե դերաններ դցած առաստաղը:

Հանկարծ մի խուլ, հեռավոր թնդյուն ցնցեց յերեխաներին: Կարծես թե ուր վոր մի մեծ, ծանր դերան ընկավ գետնի վրա:

— Կոլկա՛, — շուրջով հարցրեց Նյուրկան, — այս ի՞նչ ե:

— Չգիտեմ, — նույնպես շուրջով պատասխանեց նա:





Նրանք վախվիսելով քարե աստիճաններով
ցած իջան:

Թնդյունը կրկնվեց: Յերեխաները լուցին և վախ-
վլըխելով իրար կպան: Վասկան բերանը բաց արած,
գտած արկի կտորն ամուր բռնած, նայում էր Կոլկա-
յին: Կոլկան մռայլվել էր, իսկ Նյուրկայի թշից մի
արցունքի կաթիլ գլորվեց և նա խղճալի ձայնով,
պատրաստ լաց լինելու, ասաց.

— Իսկ յես, Կոլկա, կարծում եմ... Յես կարծում
եմ, վոր այտոր իսկի յել չորեքշաբթի չե:

— Յես ել, — հուսահատված ասաց Վասկան:

Յեվ հանկարծ բարձրաձայն լաց յեղավ, նրա յե-
տևից ել մնացածները...

Անկյունում կուչ յեկած յերկար ժամանակ լաց ե-
յին լինում փորձանքի մեջ ընկած յերեխաները: Վերևի
թնդյունները չեյին դադարում — մեկ մոտենում էր,
մեկ հեռանում: Յերբեմն մի քանի ըոպե դադարում էր:
Այդպիսի ըոպեներից մեկին Կոլկան վերև բարձրացավ,
վոր դուռը փակի: Բայց մոտիկից մի այնպիսի թըն-
դյուն լավեց, վոր Կոլկան յետ յեկավ, փորսող տալով
հասավ անկյունը, վորտեղ Վասկան ու Նյուրկան հան-
դարտ լաց էյին լինում, և նստեց նրանց կողքին: Մի
քիչ լաց լինելուց հետո, նա կրկին վերև գնաց մառանի
ծանր, յերկաթապատ դռան մոտ, փակեց և ներքև ի-
ջավ:

Թնդյունները միանգամից լուցին և միայն թեթև
դողդողումով, նման այն բանին, յերբ ցնցվում են տան
պատերը, յերբ ծանր բեռնատար ավտոմոբիլ կամ տը-
րամվայ է անցնում, կարելի յեր գլխի ընկնել, վոր
ռումբերը պայթում են մոտիկ տեղում:

— Ռումբը մեզ չի հասնի, — դեռևս հեկեկալով,
բայց արդեն իր ընկերներին հանգստացնելով, ասաց
Կոլկան: — Մենք, ա՛յ, ինչպիսի խոր տեղում ենք
նստած: Պատերն ել քարից են, առաստաղն ել յերկա-
թից. Դու... մի՛ լացիր, Նյուրկա, դ՞ու ելմի՛ լացիր,
Վասկա: Ա՛յ, շուտով հրաձգությունը կվերջացնեն,
այն ժամանակ դուրս կգանք և արագ կվազենք:

— Մենք... Մենք ա...ր...ա...գ կվազենք... —
արտասուքը կուլ տալով ձայն տվեց Նյուրկան:

— Մենք այնպես... Մենք այնպես չափ կընկնենք, վոր միանգամից տուն կհասնենք, — ավելացրեց Վասկան: — Տուն կվազենք և վոչ վոքի վոչինչ չենք ասի:

Մոմի կտորը վառվեց վերջացավ: Բոցը բնաճարպի վերջին մնացորդը հալեց: Պատրույգը վայր ընկավ ու կարմրեց: Բոլորովին մթնեց:

— Կոլկա, — հեկեկաց Նյուրկան, մթության մեջ վորոնելով նրա ձեռքը, — դու այստեղ նստիր, թե չես յես վախենում եմ:

— Յես ել եմ վախենում, խոստովանեց Կոլկան և լռեց:

Մառանում անդորրութուն եր տիրում: Միայն վերեկից հագիվ լավում եյին հաճախակի հարվածների խուլ արձագանքները, կարծես թե մեկը հսկա մուրճով գետնին ծանր մեխեր և խփում:

— Կոլկա, Վասկա, — կրկին լավեց Նյուրկայի խղճալի ձայնը: — Ինչո՞ւ յեք լռել: Առանց այն ել մութն ե, դուք ել լռում եք:

— Մենք լուռ չենք, — պատասխանեց Կոլկան: — Մենք Վասկայի հետ մտածում ենք: Դու ել նստիր ու մտածիր:

— Յես իսկի ել չեմ մտածում, — ձայն տվավ Վասկան, — յես հենց այնպես նստել եմ:

Նա փնթփնթաց, պրպտեց, ձեռքը դիպավ մի վոտի: Այդ վոտը բռնեց քաշեց:

— Այս քո վոտն ե, Նյուրկա:

— Իմն ե, — վոտը քաշելով աղաղակեց վախեցած Նյուրկան:

— Ի՞նչ ե վոր:

— Այն, վոր դու, — բարկացած ձայնով պատասխանեց Վասկան, — վոր դու քո վոտը դրեցիր կողովիս մեջ և սունկը ջարդեցիր:

Հենց վոր Վասկան սունկի անունը տվեց, միանգամից ուրախացան և՛ Կոլկան, և՛ Նյուրկան, և՛ ինքը, Վասկան:

— Յեկեք խոսենք, — առաջարկեց Կոլկան, — կամ յեկեք յերգ ասենք: Դու յերգիր, Նյուրկա, իսկ յես ու

Վասկան ձայն կպահենք: Դու, Նյուրկա, բարակ ձայնով յերգիր, յես՝ սովորական, իսկ Վասկան՝ հաստ ձայնով:

Յես չեմ կարող հաստ ձայնով յերգել, — հրաժարվեց Վասկան: — Իսայկան ե կարողանում, իսկ յես չեմ կարողանում:

— Դե՛, դու ել սովորական ձայնով յերգիր... Սկըսիր, Նյուրկա:

— Յես դեռ չգիտեմ, թե ինչ յերգեմ, — շփոթվեց Նյուրկան: — Յես միայն մայրիկիս յերգը գիտեմ, վոր յերգում ե:

— Լավ, մայրիկիդ յերգը յերգիր:

Լավեց, թե ինչպես Նյուրկան քիթը մաքրեց, ձեռքը քսեց յերեսին, արտասուքի մնացորդները չորացրեց, հետո շրթունքները լիզեց ու յերգեց բարակ, դեռ մի քիչ ել ընդհատ ձայնով:

Կռիվ զնաց կազակը,
Տանը թողեց աղջկան,
Տանը թողեց յերեսան —
Իր պստիկ աղջկան:

— Դե՛, յերգեցեք վերջին բառերը. «Իր պստիկ աղջկան», — հուշեց Նյուրկան:

Յե՛վ յերը Կռիկան ու Վասկան յերգեցին, Նյուրկան ավելի զիլ ու հանդարտ շարունակեց.

Այդ որվանից տարիներ
Գլորվեցին ու անցան,
Կազակները շատ վաղուց
Կռիից իրենց տուն դարձան:
Չկա միայն մի կազակ,
Բոլորից ել մոռացված,
Իմ կազակը սիրելի,
Ավա՛ղ, վաղուց սպանված...

Նյուրկան ավելի ու ավելի զիլ ձայնով եր յեր-

գում, իսկ Կոլկան ու Վասկան սովորական ձայնով կրկնում եյին քառյակի վերջին տողերը: Յեվ միայն այն ժամանակ, յերբ վերևից ուժեղ թնդյուն լսվեց, յերեքի ձայներն ել մի քիչ դողացին, բայց յերգն այնուամենայնիվ չկարվեց:

— Լավ յերգ ե, — գովեց Կոլկան, յերբ յերգը վերջացրին: — Այդպիսի յերգեր — կովի, հերոսների մասին, — յես շատ եմ սիրում: Լավ յերգ ե, միայն ինչ վոր տխուր ե:

— Դա մայրիկիս յերգն ե, — բացատրեց Նյուրկան: — Յերբ հայրիկին պատերազմում սպանեցին, նա ամբողջ ժամանակ այդ յերգն եր յերգում:

— Իսկ միթե՞, Նյուրկա, քո հայրը կազակ եր:

— Կազակ: Միայն թե նա հասարակ կազակ չեր, այլ կարմիր կազակ: Մնացած բոլորը սպիտակ կազակներ եյին, իսկ նա կարմիր կազակ եր: Դրա համար ել սպիտակ կազակները նրան կտոր-կտոր արին: Յերբ յես բոլորովին փոքրիկ եյի, մենք հեռու՝ Կուրանումն եյինք ապրում: Հետո, յերբ հայրիկիս սպանեցին, մենք այստեղ, գործարանը յեկանք, քեռի Փյոդորի մոտ:

— Նրան պատերազմումն են սպանել:

— Պատերազմում: Մայրիկս պատմել ե, վոր նա ինչ վոր զորամասում ե յեղել: Յեվ ահա, մի անգամ զորամասի պետն ասում ե հայրիկիս և մի ուրիշ կազակի. «Ահա ձեզ մի ծրար: Սլացեք Ուստ-Մեդվեդինսկայա գյուղը, թող մեզ ոգնություն հասցնեն»: Սլանում են հայրիկս և մի ուրիշ կազակ: Արդեն նրանց ձիերը հոգնել եյին, իսկ մինչև Ուստ-Մեդվեդինսկայա դեռ շատ հեռու յեր: Հանկարծ սպիտակ կազակները նկատում են և ընկնում նրանց յետևից: Սպիտակ կազակների ձիերը հանգստացած են լինում և քիչ ե մընում, վոր հասնեն: Այն ժամանակ հայրիկս ասում ե մյուս կազակին. «Ա՛ռ, Փյոդոր, այս ծրարը և սլացիր, իսկ յես կամրջի մոտ կմնամ»: Կամրջի մոտ իջնում ե, պառկում և սկսում սպիտակ կազակներին կրակել: Այնքան ե կրակում, մինչև վոր սպիտակ կա-

զակները կողքի ծանծաղուտով անցնում են և կտոր-
կտոր են անում հայրիկիս: Իսկ Ֆյոդորը, այն մյուս
կաղակը, այդ ժամանակ հեռու յե լինում, այնպես վոր
նրան չեն հասնում: Ահա թե ինչպիսի կաղակ եր հայ-
րըս, — վերջացրեց Նյուրկան իր պատմությունը:

Մի ուժեղ թնդյուն ստիպեց յերեսաներին ճչալ:

Յերևի քամին վերևի դուռը բացեց և պայթյուննե-
րի վորոտները մառանը ներս մտան:

— Կոլկա՛, փա-կ-ի-ր, — կակազելով գոչեց Վաս-
կան:

— Ինքդ փակիր, — պատասխանեց Կոլկան: — Յես
արդեն մի անգամ փակել եմ:

— Փակի՛ր, Կոլկա, — բարձրաձայն հեկեկալով
կրկնեց Վասկան:

— Ա՛խ, դուք, — անսպասելի կերպով վեր կենա-
լով բացականչեց իր իսկ պատմությունից դրզոված
Նյուրկան: — Ա՛խ, դուք... — Նա յետ շարտեց Վաս-
կայի ձեռքը, հասավ վերևի դռանը, փակեց և նիզն ել
գցեց:

Վորոտը հանդարտվեց:

Նորից լռեցին և այդպես յերկար ժամանակ նստե-
ցին: Մինչև այն ժամանակ, յերբ Կոլկան, վորն իրեն
մեղավոր եր համարում և փոքրիկ Վասկայի և Նյուր-
կայի առաջ, ասաց.

— Բայց չե՞ վոր վերևում այլևս չեն կրակում:

Ականջ դրին — վերևում հանգիստ եր: Մի տասը
րոպե ևս սպասեցին — նույնպես հանգիստ եր:

— Վազենք տուն, — ճչաց Կոլկան:

— Տո՛ւն, տո՛ւն, — ուրախացավ Վասկան: — Նյուր-
կա, վեր կաց:

— Յես վախենում եմ, — փնթփնթաց Նյուրկան:
— Իսկ յեթե նորից...

— Վազենք, վազենք, — միաձայն բացականչե-
ցին Կոլկան ու Վասկան: — Մի՛ վախենա, ենպես
կվազենք վո՛ր...

Դուրս յեկան վերև: Մթին մառանից դուրս գա-
լուց հետո, որը փայլուն թվաց, ինչպես ինքն արեղա-
կը:

Դես ու դեն նայեցին:

Մանր փայտե վահանները, վոր դրված էին մառանից վոչ այնքան հեռու, ջարդոտված էին:

Ամեն տեղ տաշեղներ էին թափված և սևին էին տալիս փոսեր, վորոնց մոտ ցրված հողը դեռ չեր չորացել:

— Վազե՛նք, Նյուրկա: Տո՛ւր, յես քո կողովը վերցնեմ, — սիրտ եր տալիս նրան Կոլկան: — Մենք արագ...

Խրամատների վրայից թռչելով, կտրված փշալարի միջից անցան և սարի տակով վազեցին:

Հաստիկ վասկան անսպասելի արագությամբ ամենից առաջ եր սլանում, մի ձեռքով կողովը, մյուս ձեռքով արկի թանկագին կտորը սեղմած:

Կոլկան ու Նյուրկան վազում էին կողք-կողքի և Կոլկան ազատ ձախ ձեռքով ոգնում եր նրան տանելու մեծ, անճոռնի կողովը:

Նրանք արդեն իջել էին զառիվայրից և այժմ վազում էին թփուտաների միջով, յերբ ողբ կրկին դողդողաց, թնդաց և ուամբը սլացավ և նրանց յետեվին պայթեց:


Նյուրկան անսպասելի կերպով նստեց, կարծես թե վոտին արկի կտոր դիպավ:

— Փախչենք, Նյուրկա, — գոչեց Կոլկան, դե՛լ գցելով իր կողովը և նրա ձեռքից բռնելով: — Կողովը դեն գցիր: Վազենք:

Հրետանային դիտողը դիտանոցի հրապարակից թփուտաի մեջ յերեք շարժվող կետ նկատեց:

«Յերեվի այծեր են», մտածեց նա, հեռադիտակն աչքերին մոտեցնելով: Բայց նայելուց հետո նա ախքաչեց և վերցնելով հեռախոսի փողը, գոռաց, վոր մարտկոցը հրաձգությունը դադարեցնի:

Հեռադիտակով նա պարզ տեսավ, թե ինչպես, թփերի մեջ յերբեմն յերեվալով, յերբեմն անհայտանալով, դաշտով յերկու տղա և մի աղջիկ էին վազում:



«Յերևի այծեր են», մտածեց նա, հեռադիտակն
աչքերին մոտեցնելով:

Տղաներից մեկն ամուր բռնել եր աղջկա ձեռքը: Մյուսը, վոտներով խճճվելով բարձր խոտերի մեջ և սայթաքելով, վազում եր մի քիչ յետեվից, ինչ վոր մի բան յերկու ձեռքով կրծքին սեղմած: Հետո նա տեսավ, թե ինչպես թփերի յետեվից դուրս յեկան մարտկոցից ուղարկված յերկու հեծելակ և յերեսխաների մոտ կանգ առնելով, ձիերից իջան:

Յերկու կարմիր բանակայինների ուղեկցությամբ յերեսխաները հասան մարտկոցին: Հրամանատարը բարկացել եր, վոր ստիպված յեղան վարժական հրաձգությունը դադարեցնել, բայց յերբ տեսավ, վոր այդ բանում մեղավոր են յերեք սրտաճաք յեղած, լաց լինող յերեսխաներ, չբարկացավ ու նրանց իր մոտ կանչեց:

— Ինչպե՞ս են սրանք շրջափակումն անցել, — հարցրեց նա:

Յերեսխաները լուռ եյին: Յեվ նրանց փոխարեն պատասխանեց ուղեկցող բանակայիններից մեկը:

— Նրանք, ընկեր հրամանատար, անցել են վաղ առավոտյան, մինչև շրջափակելը: Իսկ հետո, յերբ մեր հեծյալ պարեկները հետախուզում եյին թփերը, նրանք ասում են, թե մառանում նստած են յեղել: Յես կարծում եմ, վոր նրանք չորրորդ շերտափակում են թաղնված յեղել: Հենց այն կողմից եյին վազում:

— Չորրորդ շերտափակո՞ւմ, — հարցրեց հրամանատարը: Յեվ մոտենալով Նյուրկային, սկսեց փաղաքը շէլ նրան:

— Չորրորդ շերտափակո՞ւմ, — կրկնեց նա, դիմելով իր ոգնականին: — Բայց մենք հենց այդ տեղամասն եյինք գնդակոծում: Խեղճ յերեսխաներ: — Նա շոյեց Նյուրկայի գողգված գլուխը և քնքշաբար հարցրեց:

— Փոքրիկ աղջիկ, ասա՛, դուք ինչո՞ւ եյիք այնտեղ գնացել:

— Մենք գյուղն եյինք գնացել, — պատասխանեց Նյուրկան կամաց:

— Մենք ուզում եյինք գյուղը տեսնել, — ավելացրեց Կոլկան:

— Մենք կարծում եյինք, թե դա իսկական գյուղ է, իսկ այնտեղ միայն տախտակներ են, — վրա բերեց Վասկան:

Հրամանատարն ու կարմիր բանակայինները ժլատացին: Հրամանատարը նայեց Վասկային, վորը մեջքի յետեվում ինչ վոր բան ուներ թագցրած: — Այդ է՞նչ է ձեռքիդ:

Վասկան փնջացրեց, կարմրեց և լուռ դեպի հրամանատարը պարզեց արկի կտորը:

— Սա չի վերցրել, թփի տակ է գտել, — պաշտպանեց Վասկային Կոլկան:

— Թփի տակ գտա, — հանցավորի պես պատասխանեց Վասկան:

— Ինչի՞դ է պետք:

Հրամանատարը նորից ժպտաց, իսկ նրան չըջապատող կարմիր բանակայինները բարձր ծիծաղեցին: Յեվ Վասկան, վորը վոչ մի կերպ չէր կարողանում հասկանալ, թե ինչի վրա յեն ծիծաղում, խոթողած պատասխանեց.

— Ձե՞ վոր արկի այսպիսի կտոր վոչ վոք չունի, իսկ յես այժմ ունեմ:

— Դե՛, վազեցե՛ք, — ասաց նրանց հրամանատարը: — Ա՛խ, դուք, փոքրիկներ:

Նա յետ դարձավ, նայեց իր ծոցատետրին և գոչեց արդեն ուրիշ — բարձր ու խիստ — ձայնով.

— Յերրորդ թնդանոթը: Նշան 6-6, փողը՝ 6-2:

Գը՛մփ—գըը՛մփ—գըմփաց յերեխաների յետևից, յերբ նրանք թռչկոտելով, ուրախ, վոր հեշտ պրծան, դեպի տուն եյին սլանում: Գը՛մփ—գըը՛մփ...

Բայց դա այլևս սարսափելի չէր:

Հանգստյան որն Իսայկան իր հոր հետ յեկավ: Բերավ իր հրացանը, վոր խցանով էր խփում և սկսեց պարծենալ: Յեվ, տարորինակ բան, Վասկան այս անգամ իսկի յել չէր նախանձում, վոր Իսայկան հրացան ունի, իսկ ինքը՝ վոչ:

Մինչդեռ Կոլկան և Նյուրկան դիտում եյին ու գովում Իսայկայի հրացանը, Վասկան գնաց տուն, յետ

քաշեց այն արկղը, վորի մեջ կային մի կոտրած դանակ, գնդակներ—մեկը ծակված, մեծ, մյուսն առանց ծակի, փոքր, — մուրճ, յերեք մեխ, պտուտակներ և ելի ուրիշ բաներ: Այդ արկղից հանեց խնամքով փաթաթված արկի կտորը և բերավ Իսայկայի մոտ:

— Իսկ յես ահա թե ինչ ունեմ, —ասաց նա, տալով արկի կտորը:

Իսկ Իսայկան, հիմարաբար արդյոք, թե չուզենալով ցույց տալ, վոր ինքը զարմացավ, միայն անտարբեր նայեց արկի կտորին և ասաց.

— Այդ ինչ ե վոր: Մեր մառանում հին յերկաթ ինչքան ասես կա:

Վասկան մինչև անգամ չվիրավորվեց: Նա նայեց Կոլկային և Նյուրկային. նրանք խորամանկորեն ժպտացին և վազեցին այն տեղ, ուր սկսվում եր ուղմական դաշտը:

Հրետանավորներն այդ ուրը չեյին յեկել: Յերեսաներն Իսայկային ցույց տվին, թե վորտեղ են դրվում թնդանոթները, բացատրեցին, թե ինչու դաշտում փայտի դիտանոցներ կան: Պատմեցին, թե ինչ տարորինակ գյուղ կա սարի վրա, վորի մոտ և՛ խրամատներ կան և քարե, յերկաթե տանիքով մառան, վորը «չերտափակ» ե կոչվում: Նրանք պատմեցին, թե ինչպես մտան շերտափակի մեջ և այնտեղ նստեցին, մինչև վոր հրաձգությունը վերջացավ:

Իսայկան հետաքրքրությամբ լսեց, իսկ յերբ նրանք պատմությունը վերջացրին, նա բավականին անտարբեր կերպով ասաց.

— Ափսոս, վոր յես ձեզ հետ չեմ յեղել: Թե չե յես ել այնտեղ կնստեյի: Գնանք չիլիկափայտ խաղանք:

Վասկան, Կոլկան և Նյուրկան կրկին ժպտացին:

Հիմա՛ր, հիմա՛ր Իսայկա: Նա կարծում ե, թե շերտափակի մեջ նստելն այնքան հասարակ բան ե, վորքան չիլիկափայտ խաղալը:

Նա դեռ վոչ մի անգամ թնդանոթի համազարկի ձայն չեր լսել: Նա պայթող ռումբի ծուխը և կրակը չեր տեսել: Նա չեր փակել շերտափակի ծանր դուռը,

ինչպես Կոլկան ու Նյուրկան, նա ուումբի ծանր կտորը
ձեռքին չեր վազել դաշտով, արկերի բացած խոռոչնե-
րի վրայով:

Յեվ իրար վրա նայելով, Վասկան, Կոլկան և
Նյուրկան ուրախ ու ներողամտաբար ծիծաղեցին բա-
րի, հաստիկ Իսայկայի վրա, ինչպես մեծահասակները
ծիծաղում են յերեխաների վրա:

Յեվ յերբ Իսայկան, այդ անհասկանալի ծիծաղից
զարմացած ու նեղացած աչքերով նայեց նրանց, յերե-
խաները բռնեցին նրա ձեռքերը և քաշ տվին չիլիկա-
փայտ խաղալու:



А. 1937 г.
Акт № 123
Вкладн л. _____


Աեզլ. խմբագիր՝ Հ. Հարությունյան
Տեխ. խմբագիր՝ Լ. Ոհանյան
Սրբագրիչ՝ Ա. Արզախանյան

Հրատ. 2979, Գլավ. լիազ. Կ—4607. Պատվեր 105, Տիրաժ 3000
Թուղթ 62×94, տպագրական 2 մամ., մեկ մամուլում 26880 նիշ,
հեղինակային 1¼ մամ.

Հանձնված է արտադրության 14 հունվարի, 1937 թ.
Ստորագրված է՝ տպելու 25 հունիսի, 1937 թ.

Պետհրատի տպարան, Յերեվան, Լենինի փողոց, 65.






Фонд 1 п. 20 ч.

А. ГАЙДАР
ЧЕТВЕРТЫЙ БЛИНДАЖ
ГНЗ ССР АЗЕРБАЙДЖАН

(14K)



ԳԱՆ Հիմնարար Գիտ. Գրադ.



220035680

A ^{II}
35680